

p.85 L.3【經言】《大般涅槃經》卷 33〈12 迦葉菩薩品〉：「如來世尊為國土故、為時節故、為他語故、為諸人故、為眾根故，於一法中作二種說，於一名法說無量名，於一義中說無量名，於無量義說無量名。」(T12,p.563,c13- 16)《菩薩善戒經》卷 2〈真實義品 5〉：「一一法中有無量名故。云何名為無量名耶？如色一法，亦說青黃赤白、長短方圓龜細、可見不可見、有對無對、澁滑輕重，是名可說。隨說有者，應一法中有無量相，所可宣說實無定性。以言說故流布於世，實無說者及真實性。一切諸法亦復如是。如其色中乃至涅槃有實性者，不應說有青黃赤白乃至輕重。」(T30,p.969,b24-c1)

p.85 L.4【小乘法釋】《舍利弗阿毘曇論》卷 11〈非問分〉：「眾生。謂五道中生。地獄、畜生、餓鬼、人、天中。是名眾生世。」(T28,p.603,a15-16)《俱舍論記》卷 1〈1 分別界品〉：「受眾多生死。故名眾生。」(T41,p.3,a3-4)

p.85 L.-5【不增不減經】《佛說不增不減經》卷 1：「舍利弗當知，如來藏未來際平等恒及有法界者，即是一切諸法根本，備一切法、具一切法，於世法中，不離不脫，真實一切法，住持一切法、攝一切法。舍利弗！我依此不生不滅、常恒清涼、不變歸依、不可思議清淨法界，說名眾生。所以者何？言眾生者，即是不生不滅、常恒清涼、不變歸依、不可思議清淨法界等異名，以是義故，我依彼法說名眾生。」(T16,p.467,c7-14)《大智度論》卷 64〈43 無作實相品〉：「佛說眾生空因緣，所謂十方如恒河沙諸佛，以神通力，為眾生無量劫說法，一一佛度無量阿僧祇眾生入涅槃，假令如是，於眾生無所減少。若實「有」眾生，實有減少者，諸佛應有減眾生罪。若眾生實「空」，和合因緣有假名眾生故，無有定相，是故爾所佛度眾生，實無減少。若不度，亦不增。是故諸佛無減眾生咎！是故說：『菩薩欲度眾生，為欲度虛空。』爾時一比丘聞畢竟空相，驚喜言：『我當禮般若波羅蜜！般若中無有法定實相，而有眾生等及諸果報。』」(CBETA 2023.Q3, T25, no. 1509, p. 512a19-b1)

p.85 L.-4【若有生等】《中觀論疏》卷 5〈三相品 7〉：「要經初一生，名為生已；更第二生，名生已生。今但責其初生。此初生為是未生而生？為是生已生耶？初若未生而生，後亦未生而生也；後若生已而生，初亦應爾。而汝立初是未生而生，立後是生已而生，一言之中自相違也。又初生亦不定。汝立初

生，終是已生生。考此初生，本未曾生今始生，即是未生生，故不定也。又作一種直責之，為是已者生？為非已者生？若是已者生，即屬無窮；若非已者生，即墮未生生也。」(T42,p.83,b8-17)

p.85 L.-2【經言】《持世經》卷 2〈2 五陰品〉：「若有人於佛在世，若佛滅後，能如是觀虛妄五受陰空無所有，從顛倒無明闇冥起，虛誑妄想，但誑凡夫，非五陰似五陰，如是之人不與佛諍，不逆佛語故，得脫地獄、畜生、餓鬼、苦惱。」(T14,p.650,c16-20)《維摩詰所說經》卷 1〈3 弟子品〉：「迦旃延！諸法畢竟不生不滅，是無常義。五受陰，洞達空無所起，是苦義。諸法究竟無所有，是空義。於我、無我而不二，是無我義。」(T14,p.541,a17-21)《維摩經略疏》卷 5〈3 弟子品〉：「五受陰洞達空無所起是苦義者，三藏明龜細五陰，此只是苦，非苦義也。衍明體達本無龜細，妄計有故，體有即空。不見苦相，名無所起，即是苦義。」(T38,p.626,b12-15)《維摩經略疏》卷 8〈7 觀眾生品〉：「義推即有三種眾生：一俗。二真。三中。俗諦者，攬分段五陰成假名眾生，皆如幻夢。若見真諦，即攬變易五陰以成眾生。若見中道，即是法性五陰以成眾生。故大經明眾生佛性不離六法。大論云：眾生無上者佛是，法無上者涅槃是。今中道既是法性五陰，何以不得稱為眾生！盡眾生源，窮三眾生，即是菩薩觀眾生義。」(T38,p.672,c10-17)

p.86 L.3【末後身】又作最後身、最後生、最後有、最後末身。指生死身中最後之身。小乘指在阿羅漢果位者，大乘指證佛果之菩薩身。～《中華佛教百科全書》

p.86 L.3【敷草】【吉祥草】上茅、香茅、吉祥茅、茆草、犧牲草。略稱祥草。釋尊於菩提樹下成道時，敷此草而坐；或謂此草乃吉祥童子為釋尊所舖；或謂有一名為吉祥者，獻此草予釋尊。在印度，自古視此草為神聖象徵。每行諸種儀式，即編之成蓆，上置種種供物。行者亦往往於空閑寂靜處和清淨房中以之為坐臥之具。關於使用吉祥草的利益，《大日經疏》云：此有多利益，一者以如來成道時所坐故，一切世間以為吉祥，故持誦者藉之，障不生也。又諸毒蟲等，若敷此者，皆不得至其所也。又性甚香潔也。又此草極利，觸身便破，如兩刃形也。行人持誦餘暇而休息時，寢此草藉，若放逸自縱即為傷，故不得縱慢也。～《中華佛教百科全書》

p.86 L.6【觀無量壽經】《佛說觀無量壽佛經》卷 1：「七寶地上作蓮花想，令其蓮花一一葉作百寶色。」(T12,p.342,c23-24)《觀無量壽佛經疏》卷 3：「正明寶華有種種莊嚴。即有其三：一、明一一華葉備眾寶色。二、明一一葉有眾多寶脈。三、明一一脈有眾多光色。此令行者住心，一一想之，悉令心眼得見。既見華葉已，次想葉間眾寶，次想寶出多光，光成寶蓋。次想華臺、臺上眾寶及珠網等，次想臺上四柱寶幢，次想幢上寶幔，次想幔上寶珠，光明雜色遍滿虛空，各現異相。如是次第，一一住心不捨，不久之間即得定心。既得定心，彼諸莊嚴一切顯現。」(T37,p.266,b22-c2)元照《觀無量壽佛經義疏》卷 3：初總示依處：華依於地，顯是臺座，非池蓮也。二別列莊嚴分二：初華葉，二華臺。初華葉六：初色，二脈，三光，四示量，五顯數，六明珠光。二華臺分三：初明臺體，二臺外校飾，三臺上寶幢分三：初明幢體，二明寶幔，三珠光分四：初示數，二珠光，三光色，四其色變現。(T37,p.294, c12-p.295,a12)

p.88 L.4【所減唯二】戒度《觀無量壽經義疏正觀記》卷 2：「阿難…三十相者。唯闕足輻輪、眉間白毫也。」(X22, p. 400, b6-7)《釋門歸敬儀護法記》卷 1：提婆達多「阿難親兄。有三十相。唯缺無見頂相及千輻輪相。」

(X59, p. 445, c12- 134)【千輻輪相】即佛足下紋樣分明之千輻輪寶妙相，其精巧微妙，非妙業天子所能擬造。此相感得之業因，乃佛於過去世為父母、師長、善友乃至一切眾生，往返奔走，作種種供養及布施之事。此相不僅現於足底，亦可見於佛之雙手。又千輻輪相係象徵佛之轉法輪，現於足下，表示遊化諸處之轉法輪；說法時，則顯現於手掌上之轉法輪印，用以指示種種事物；現於齒面，則表示佛說法所宣吐之教理。～《佛光大辭典》

p.88 L.5【刪闍耶】又作刪闍夜，外道名。「刪闍夜毘羅胝子」之略。為舍利弗、目犍連未歸佛前之師。能得五神通，能了知過去八萬劫之事，然於八萬劫之外則無所見。～《佛學大辭典》《維摩義記》卷 2〈3 弟子品〉：「此一因見外道，亦得名為苦行外道。宣說眾生受苦受樂皆由往因，不藉現緣。往業未盡，不得解脫。多受苦行，酬其往業。往業既盡，便得解脫。」(T38,p.452,a25-28)《注維摩詰經》卷 3〈3 弟子品〉：「什曰…其人起見謂，要久逕生死，彌歷劫數，然後自盡苦際也。」(T38,p.350,c26-28)

p.89 L.6【是義云何】或謂（如吉藏《義疏》）第八觀中有二：1. 想法身佛。2. 想應身佛。法身佛者，如文云「法界身」；應身佛者，色像相好光一尋。論頌似言應身，經言法身，此處云何會通？

p.89 L.-3【五因緣】《佛說稻芊經》卷 1：爾時彌勒重語尊者舍利弗…「眼識從五因緣生。云何為五？眼、色、明、空、作意，識便得生。眼識依眼根，以色為境界，緣明以為照，虛空不作障礙，作意起發，故生眼識。如是眾緣若不和合，眼識則不生。」(T16, p. 818, b5-9)「九緣生識」：一明緣、二空緣、三根緣、四境緣、五作意緣、六根本依緣、七染淨依緣、八分別依緣、九種子緣。～《三藏法數》根本依緣一第八阿賴耶識。染淨依緣一第七末那識。分別依緣一第六識。種子緣一賴耶識中的種子。

p.89 L.-1【法界是眾生心法】《大乘起信論》卷 1：「眾生心，是心則攝一切世間、出世間法。」(T32,p.575,c21-22)《大乘起信論義記》卷 1：「以其此心，體相無礙，染淨同依。隨流返流，唯轉此心。是故若隨染成於不覺，則攝世間法。不變之本覺及返流之始覺，攝出世間法。此猶約生滅門辨。若約真如門者，則鎔融含攝，染淨不殊。故通攝也。」(T44,p.250,b21-26)善導《觀無量壽佛經疏》卷 3：「言法界者，是所化之境，即眾生界也。言身者，是能化之身，即諸佛身也。言入眾生心想中者，乃由眾生起念願見諸佛，佛即以無礙智知，即能入彼想心中現。但諸行者，若想念中、若夢定中見佛者，即成斯義也。…言是心是佛者，心能想佛，依想，佛身而現，即是心佛也。離此心外，更無異佛者也。」(T37,p.267,a13-b1)

p.90 L.-1【正遍知】音譯作「三藐三菩提」，佛具一切智，於一切法，無不了知，故號正遍知。以一切法平等開覺一切眾生，成無上覺，故號正等覺。～《三藏法數》《宗鏡錄》卷 77：「般若無知，無所不知。無知者，無能所之知；無不知者，真如自性有遍照法界義。…菩薩悉見諸法，而無所見；普知一切，而無所知。則般若無知，無所不知矣。但不落有無之知、能所之見，非是都無知見矣。」(T48,p.844,a16-25)《觀無量壽佛經疏》卷 3：「言諸佛正遍知者，此明諸佛得圓滿無障礙智，作意不作意，常能遍知法界之心，但能作想，即從汝心想而現，似如生也。」(T37,p.267,b1-4)